

而傳于藥房曰予今下氣如常但氣弱耳提調及醫員醫女皆  
來往而醫員勿直提調亦各散歸可也提調回啓曰臣等聞下  
氣如常喜極不知所言如有渴證則當御生地黄煎不可如常  
時御生冷且各別調理為當○乙未 上不豫政院問安傳曰  
心熱未診而已勿問安內醫院提調與政府六曹漢城府中樞  
府問安各與上同內醫院提調詣藥房啓曰心熱之藥固為多  
矣但天王補心丹與生地黄膏最當補心丹可臨夕嚼下而生  
地黄膏不拘時可服傳曰劑入可也又啓曰西果亦治心熱口  
渴如以點點進御不可過多多則有害且辰砂五苓散亦治心  
熱劑之何如傳曰知道朴世奉洪沉等又以加遠志竹葉麥門冬  
木香參蘇飲煎進○南方有氣如火

十一月丙申朔

上不豫政院問安傳曰知道予之氣候與昨

日同

承旨等問於承傳內官曰

上體何如對云

○內醫院提調

洪彥

顯尹元衡

及參議安珰

解藥理政亦

問安仍啓曰地黄煎昨日

劑入而考藥材則兩醫司

典醫監

無遺在云前聞苦州鳳山多